

AD LECTOREM.

Miraberis, Amice pariter & Benevole Lector; quod cum quilibet ingenii sui exercendi gratia rarius sibi thema seligere soleat, quò gratiam apud lectores inveniat majorem: ego in maxime protrito, ac ubique obvio argumento ingenii vires periclitari studuerim; quod ne quidem modò tractandi commendari poterit, pariter vulgari, & incertò. Imo, si copiam Commentariorum consideras: obnoxii plane & infelicis ingenii criminis quod neque præviderim neque timuerim accusationem, miraberis. Sed defectus virtutum elegantioris scripti utilitate compensari æque ac varietate potest, natura mortalium gratisimã. Nec Interpretum diffiteri erubesco ductum à quibus tamen, omisissis eorum obsoletis, & additis utilibus ab ipsis neglectis, nullo vel partium studio, vel contradicendi ardore, nec sine assensu aliorum, quorum rationes veritati magis videbantur congruere, secessionem feci; & binc inde de opinionibus eorum, pro virili, quantum in me fuit, academicã usus libertate, iudicium tuli: Sine omnitamen ostentatione, solius exercitii gratiã, durum existimans sanæ hominis rationi adversum, & absurdum veneratione, autoritatis, alienæ libidinis mancipium fieri. An autem & sic vires ingenii probari possint prudentum dextro committo iudicio; non tanti esse disputationem scribere, quam eandem defendere persuasus.